


Seconde Continuation.

7

Ayant passé la ligne, ils prirent terre à l'Isle de Fernand de la Roque, où ils planterent vne Croix, & y trouuans dix sept Sauuages & vn Portugais que ceux de Fernambuco y auoient releguez , ils les meirent en liberté. Les Peres Capucins en baptiserent cinq. Ainsi continuans leur nauigatiō ils allerent passer le Cap de la Tortuē qui est à la coste du Brasil , & arriuerent en fin le iour saincte Anne en vne petite Isle non habitee , qu'ils appellerent Saincte Anne , laquelle est à l'emboucheure de Maragnon (qui est vn des grands fleuves de l'Amerique, lequel a sa source aux montaignes du Perrou) & où ils planterent aussi vne Croix avec beaucoup de ceremonies. Huit iours apres ils partirent de ceste petite Isle , & arriuerent en la grande Isle de Maragnon habitee des Sauuages, plusieurs desquels estoient accourus voir la descente des François, mesmes aucun s'estoié mis à nage pour leur venir au devant. Le sieur de Rasilly voulāt faire voir à ces Sauuages le respect & l'honneur qu'il portoit aux quatre Peres Capucins, il descendit avec tous les François le premier en terre , & puis dans vn canot des Sauuages , il fit descendre les Peres Capucins,ayant tous le surplis par dessus leurs habits qui estoient de fine serge grise à cause de la chaleur de ce pays qui est sous la Zone torride , & portoient aussi chacun en la main vn baston,au bout duquel estoit vn Crucifix : A la sortie du canot, ledit sieur de Rasilly & tous ceux de sa suite se mirent de genoux pour les receuoir,

a iiii




Seconde Continuation.

9

feinte pieté & Religion. & 2. sous le pretexte de faire la guerre aux Chrestiens Portugais, & retirer les Mores qu'ils avoient en leurs troupes & garnisons, afin de les affoiblir & expulser du Royaume de Maroc.

La simplicité du Roy de Fez, & l'envie qu'il portoit au Marochien, furent les moyens qui servirent aux Xerifs pour le demonter de son Throisne Royal: car permettant (contre l'aduis de son frere Nazzer) aux trois fils du Xerif, de desployer dans le Royaume de Maroc, (d'où ils estoient originaires) l'estendart contre les Chrestiens Portugais, il y eut en ce commencement tant de peuples qui les suivirent, qu'apres des rencontres d'armées qui leur succéderent, les Mores abandonnerent les Portugais: puis le Xerif fit quitter aux Portugais la campagne les forces de se retirer à la forteresse du Cap de Guer. Est à noter qu'au combat qu'ils eurent contre Loppe Barriga Portugais, Abdala, l'aîné des fils du Xerif perdit la vie. Bref les Xerifs s'emparèrent en peu de temps de la grande ville de Taradante en la Province de Sus, & des Provinces de Harra, Ideuaca, Vbideuaca, Cus, Guzule, & presque de tout le pays entre Maroc & les Monts d'Atlas.

Xerif le Pere, commença sous le nom de Gouerneur de Sus, d'établir lors sa Principauté dans Taradante, (qui est mesme sur le fleuve de Sus, dont la Province porte le nom,) Et le Roy de Maroc craignant la grandeur




Seconde Continuation.


11


Anamor , rendit les Xerifs paisibles possesseurs de tout le Maroc. Mais ceste paisible possession fit venir ces deux freres aux mains , & à deux sanguinaires batailles , en la dernière desquelles Mahomet le ieune , prit son aîné , & luy fit finir ses iours en prison , demeurant seul Roy de Maroc .


Cela fait , il tourna ses armes contre le Roy de Fez , (dont il avoit été Precepteur autrefois) lequel il vainquit , & l'ayant pris prisonnier , le fit enfin mourir avec ses enfans . Ainsi Mahomet le plus ieune des trois fils du vieil Xerif , se rendit seul Roy des Royaumes de Fez & de Maroc , ayant fait mourir tous ceux des anciennes Maisons Royales : & son propre frere . C'a été un personnage que la victoire a toujours accompagné aux grandes & hazardeuses entreprises : mais les meschâts actes qu'il a faits pour parvenir à ceste grande domination , ne peuvent nombrer : Aussi pour tant d'inhumanité , la punition diuine a toujours été sur tous ses descendâts : car vne envie de regner les a tenus en perpetuelle guerre les vns contre les autres , se chassants comme tour à tour du Throone Royal , tenant toujours quelques places , & les montaignes où ils entretiennent la guerre .

Cidan à présent Roy de Fez & Maroc en ^{Guerres entre Cidan} auoit été chassé par Xequi son frere , depuis il ^{Roy de Fez} en a chassé Xequi qui s'est sauvé en Algarbe en ^{eg Abdal-} Portugal en l'an 1610 . & le fils de Xequi nommé Abdala s'est retiré en Maroc vers la Prouin- ^{ness}









Seconde Continuation.

15

ça d'abatre la petite Chapelle que les Esclaves Chrestiens y entretiennēt en la prison (car l'opinion des Turcs est, que Mahomet appaise son courroux contr'eux, lors qu'ils font du mal aux Chrestiens) le F. Bernard Mouroy de l'Ordre de la Redemption des captifs, que le vulgaire nomme en France Mathurins, prisonnier & Esclave en Alger dés l'an 1609. en ayant eu aduis, enuoya vers le sieur Bias qui est Consul de Frace en Alger, afin qu'il priast le Douan qu'il leur fust permis aussi bien qu'aux Iuifs de sortir & faire processions pour impetrer de Dieu la pluye si necessaire en Alger; s'assurant que Dieu les exauceroit. Le Consul apportant en ceste affaire tout le credit qu'il peut en-
*Prieres des
Esclaves &
prisonniers
Chrestiens
en Alger.*

uers le Douan fit tant qu'il luy promist de n'em-
pescher l'exercice libre de la Religion Chre-
stienne en la prison. A ceste nouvelle, cinq iours
durant tous les prisonniers Esclaves (qui y sont
en grand nombre) firent avec tant de deuo-
tion leurs practiques Chrestiennes spirituelles,
que le quatriesme iour de leurs Prieres & le
8. de May, il y eut de la pluye en grande abon-
dāce. Voyans leurs Prieres exaucées, ils en ren-
dirent mille actions de graces à Dieu en leur
captiuité: aussi est ce luy seul qui dōne la pluye
& le beau temps quand il luy plaist. Il ne sera
icy hors de propos de dire comme ce pauvre F.
Mouroy & deux autres Religieux du mesme
Ordre, furent arrestez prisonniers il y à jà trois captifs ar-
ansen Alger avec grande cruautē: Estans donc restez prisone-
rs en Al-
ger avec cent

